

There are no translations available.

Berita Harian, 03 November 2015

Aset, keperluan JPS sedia berdepan bah

Kuala Lumpur: Jabatan Pengairan dan Saliran (JPS) sudah menempatkan aset dan keperluan berkaitan di seluruh negara bagi menghadapi banjir susulan musim tengkujuh, kata Menteri Sumber Asli dan Alam Sekitar, Datuk Seri Dr Wan Junaidi Tuanku Jaafar.

Selain menyediakan bot, beliau berkata, keperluan lain seperti memasang siren serta memantau stesen aras air dan hujan di seluruh negara, membaiki pam rosak dan memeriksa sistem perparitan juga dilaksanakan.

"Musim tengkujuh tahun ini dijangka tidak seteruk tahun lalu kerana bertembung dengan fenomena El-Nino atau cuaca kering, namun kami tetap bersedia menghadapi sebarang kemungkinan.

Sistem amaran banjir

"JPS juga akan mengeluarkan sistem amaran banjir kepada agensi berkaitan seperti Jabatan Pertahanan Awam Malaysia (JPAM), Jabatan Sukarelawan Malaysia (RELA), Jabatan Bomba dan Penyelamat serta Polis Diraja Malaysia (PDRM) supaya boleh membuat persediaan awal.

"Maklumat amaran banjir akan disalurkan menerusi sistem khidmat pesanan ringkas (SMS) kepada agensi berkaitan untuk disampaikan kepada jawatankuasa di peringkat negeri, daerah dan kampung serta memudahkan sukarelawan memaklumkan kepada penduduk," katanya.

Beliau berkata demikian ketika ditemui pemberita selepas majlis pelancaran persiapan menghadapi musim tengkujuh di Pusat Kawalan Banjir SMART, di sini semalam.

{akgallery}